



uzbunyodkor



t.me/uzbunyodkor




uzbunyodkori@umail.uz

№88 (437)

2020 йил 10 ноябрь, сешанба

Газета 2016 йил 2 августдан ҳафтанинг сешанба ва жума кунлари чиқади.



ЎЗБЕКИСТОН РЕСПУБЛИКАСИ ПРЕЗИДЕНТИ ШХТ САММИТИДА ИШТИРОК ЭТАДИ

Ўзбекистон Республикаси Президенти Шавкат Мирзиёев 10 ноябрь куни Шанхай ҳамкорлик ташкилотига аъзо давлатлар раҳбарлари кенгашининг видеоанжуман шаклида ўтадиган мажлисида иштирок этади.

Россия раислигида ўтказиладиган ушбу учрашув кун тартибидан янги глобал хатар ва таҳдидларнинг кучайиши шароитида ШХТ доирасидаги кўп қиррали ҳамкорликни янада мустаҳкамлаш масалалари ўрин олган.

Ташкилотга аъзо ва кузатувчи давлатлар делегацияларининг раҳбарлари устувор йўналишларда кўп томонлама муносабатларнинг бугунги ҳолатини таҳлил қилиб, уларни ривож-

лантириш истиқболларини муҳокама қиладилар, шунингдек, халқаро ва минтақавий аҳамиятга молик долзарб масалалар юзасидан фикр алмашадилар.

Бирлашган Миллатлар Ташкилоти Бош қотиби Антониу Гутерриш ҳам саммит иштирокчиларига видеомурожаат йўллаши кутилмоқда.

Мажлис якунида ШХТ доирасида, шу жумладан, хавфсизликни таъминлаш, иқтисодий

кооперация, рақамли технологияларни жорий этиш, қишлоқ ҳудудларни ривожлантириш, эпидемияларга қарши самарали курашиш ва бошқа соҳалардаги ўзаро манфаатли ҳамкорликни кенгайтиришга қаратилган Москва декларацияси ва ҳужжатлар тўпламининг қабул қилиниши режалаштирилган.

ЎзА.

Бешариқда янги турар жой бинолари қад ростлайди

Фарғона вилояти шаҳар-туманларида кун сайин бунёдкорлик ишлари авж олмоқда. Бунга Бешариқ тумани мисолида ҳам гувоҳ бўлиш мумкин. Ҳозирда 220 минг нафардан зиёд аҳоли истиқомат қиладиган ҳудудда эҳтиёж ва талаблардан келиб чиқиб янги турар-жой бинолари қад ростламоқда. Фарғона вилояти ҳокими Хайрулло Бозаров бу ерда бўлар экан, нуронийлар билан кенгашиди, қурувчилар билан суҳбатлашди.



Аҳоли зич бўлган ҳудудда турар жойларга эҳтиёж юқори. Ана шуларни ҳисобга олиб, кўп қаватли уйлар бунёд этишга киришиляпти. Вилоят раҳбари мазкур уйларнинг лойиҳалари билан яқиндан танишиб, тадбиркорлар сармоясини жалб этиш ҳисобига арзон ва сифатли уйлар қуриш ҳақида тавсиялар берди.

Янги қуриладиган уйлар «Дала Ҳамид Олимжон» маҳалла фуқаролар йиғинида жойлашган. У ерда жами 10 та 5 қаватли, шундан 2 та 40 хонадон, 8 та 20 хонадонга мўлжалланган уйлар қурилади. Келгусида массивда инфратузилма объектлари қурилиши режалаштирилган. Қўлайлик томони шундаки, бу уйлар электр, газ, сув, канализация таъминотида муаммо бўлмайди.

– Келгусида бундай уйларни қуришга эътиборни кучайтираимиз. Уй-жойга эҳти-

ёжи бор оилаларни, ёш оилаларни кўп қаватли уйлар қуриш ҳисобига таъминлаймиз, – деди вилоят ҳокими.

Мазкур ҳудудда аҳоли сони кўпайиб бормоқда. Шу боис, янги маҳалла фуқаролар йиғини ташкил этилиб, унга «Нури ҳаёт» дея ном беришга туман масъуллари иштирокида келишиб олинди.

Шундан сўнг янги биноларни қурилишига старт берилди. Келажакда бу ерда турли ижтимоий объектлар, истироҳат боғи ва бошқа аҳолига хизмат кўрсатиш жойлари ҳам барпо этилиши белгиланди. Энг муҳими бу каби қурилишлар натижасида ёшлар, айниқса, умултаълим мактаблари ва касб-ҳунар коллежлари битирувчиларни иш билан таъминлашга эришиляпти.

Фарғона вилояти ҳокимлиги
Ахборот хизмати.

Архитектура ва қурилиш соҳасини бошқаришнинг самарали механизмларини жорий этиш шаҳарсозликни сифат жиҳатидан янги даражага кўтаришнинг муҳим шарти ҳисобланади.

ИННОВАЦИОН ЛОЙИҲАЛАР ТАТБИҚ ЭТИЛМОҚДА



Президентимизнинг 2019 йил 23 майдаги «Қурилиш материаллари саноатини жадал ривожлантиришга оид қўшимча чора-тадбирлар тўғрисида»ги қарори қурилиш материаллари саноатида инновацион ғоялар, ишланмалар ва технологияларни босқичма-босқич амалиётга татбиқ этишни белгилаб берди. Хусусан, 2021 йилга цемент ишлаб чиқариш қувватлари ҳажмини 17 млн тоннага, архитектура-қурилиш ойнасини 32 млн квадрат метрга, ёғоч-қилиқ плитасини 380 минг куб метрга, газ-бетон блокларини 700 минг куб метрга, гулгоғозларни 4,5 млн рулонга, кўп қаватли уйлар қурилиши учун йирик панелли темир-бетон буюмларини 180 минг квадрат метрга кўпайтириш белгиланди.

2025 йилгача геология-қидирув ишлари олиб борилади. Натижада қазиб олиш ва қайта ишлаш асосида қурилиш индустриясининг хом ашё базаси ҳажмларини оҳақтош бўйича 13,1 млн тоннага, гипс тоши 1,8 млн тоннага, лойсимон компонентлар, фишт хом ашёси, кварц қуми 1 млн тоннага, кўчган тоғ жинслари, яъни базальт 0,1 млн тоннага оширилади.

(Давоми 3-бетда)



ИШЛАБ ЧИҚАРИШ ҲАЖМИ ОРТМОҚДА

Бугун аҳолининг бандлик муаммоси ҳар қачонгидан долзарб. Ҳукуратимиз томонидан тадбиркорларга яратиб берилаётган қўлайлик ва имтиёزلардан кўзланган мақсадлардан бири ҳам шу. Яъни, иш ўринларини кўпайтириш.



Хусусан, Қарши шаҳрида фаолият юритаётган «Азия металл гарант» масъулияти чекланган жамияти металлни қайта ишлашга ихтисослашган.

2008 йилда Ўзбекистон – Хитой қўшма корхонаси тарзида ташкил этилган ушбу корхона ўтган йиллар давомида кўп қийинчиликларни бошдан ўтказди. Масалан, бир пайтлар корхонанинг ишлаб чиқариш фаолиятини амалга ошириш учун ўз жойи ҳам йўқ эди. Боз устига, мавжуд технологиялар эскирганлиги боис маҳсулотлари билан бозорда рақобатга кириша олмади. Шундай бўлса-да, жамият таъсисчиларининг ўз мақсадлари йўлида қатъий ҳаракати, давлат томонидан тадбиркорларнинг қўллаб-қувватланиши, уларга берилаётган турли имтиёз ва имкониятлар самарасида «Азия металл гарант» бугун ҳудуддаги энг истиқболли саноат корхоналаридан бирига айланди. Корхонада юзлаб кишиларнинг доимий бандлиги таъминланди.

– Хитойлик тадбиркорлар лойиҳадан чиқиб кетишгач, ишни ўзимиз давом эттиришимизга тўғри келди, – дейди жамият директори Азиз Ҳалимов. – Тўғри, аввалига бироз қийин бўлди. Чунки у пайтда бизда жой муаммоси бор эди. Боиси, бу бино бир пайтлар бетон плиталар ишлаб чиқарадиган корхонага тегишли бўлиб, кейинчалик қўшма корхонамизга берилган эди. Биз ижарада туриб фаолият юритдик. Бундай шароитда корхонани модернизация қилиш, технологияларни янгилаш, фаолиятни кенгайтириш имконсиз эди. Аниқроғи, бу ишларни амалга ошириш учун миллиардлаб маблағ сарфланиши лозим бўлган. Бироқ ўзимизга тегишли бўлмаган бинога таваккал қилиб шунча сармоя кирита олмадик. Шу боис, дастлаб бино олиш ҳара-

катини бошладик. Йиллар давомида кўплаб ташкилотларга мурожаат қилдик, шукрки, ҳаракатларимиз зое кетмади. Бизга шаҳар ҳокимлиги тасарруфида бўлган, ўзимиз ишлаб турган бино ноль харид қийматида берилди. Бу ишни ривожлантиришимиз учун жуда катта имконият эди.

Шундан сўнг тадбиркор мавжуд технологияларни босқичма-босқич янгилашга киришди. Аввал, 2017 йилда Хитойдан қурилиш саноати учун муҳим хом ашё – арматуралар ишлаб чиқаришда сарф-харажатни тежаш ва сифатни ошириш имконини берадиган замонавий ускуналарнинг дастлабки қисми келтирилган бўлса, ўтган уч йилга яқин вақт мобайнида ишлаб чиқариш қувватлари технологик жиҳатдан тўлиқ янгиланди.

Бу эса корхонанинг иқтисодий самардорлиги янада ошишига имкон яратди. Ишлаб чиқариш қуввати кунига 200-250 тоннага етди.

Даромадларнинг сезиларли ошиши янги лойиҳаларни йўлга қўйишга шароит яратмоқда. Айни пайтда корхонада 7 хил диаметрдаги арматура ҳамда 3 хил диаметрдаги сим ишлаб чиқарилмоқда. Яқинда яна бир неча ўлчамдаги мих ишлаб чиқариш йўлга қўйилди. Келажакда эса «саморез» ишлаб чиқариш тармоғини ҳам ишга тушириш мўлжалланмоқда. Хуллас, режалар бисёр. Тадбиркорнинг таъкидлашича, маҳсулотга маҳаллий ишлаб чиқарувчилар, қурилиш ташкилотларидан талаб кўп. Бу эса жамоани янги марралар, янги лойиҳаларни амалга оширишга илҳомлантирмоқда.

Ўлмас БАРОТОВ,
ЎзА мухбири.

БЕТОН УЧУН КИМЁВИЙ ҚЎШИМЧАЛАР КЕРАКМИ?

«CONSTANT CHEMICALS» КОРХОНАСИ БЕТОН УЧУН КИМЁВИЙ ҚЎШИМЧАЛАРНИНГ БАРЧА ТУРЛАРИНИ ТАҚДИМ ЭТАДИ, ХУСУСАН:

- ПЛАСТИКЛИКНИ (ҲАРАКАТЧАНЛИКНИ) ОШИРУВЧИ;
- СУВ САРФИНИ КАМАЙТИРУВЧИ;
- ГАЗ ҲОСИЛ ҚИЛУВЧИ;
- ҲАВО ТОРТУВЧИ;
- МУЗЛАШГА ЧИДАМЛИЛИКНИ ОШИРУВЧИ;
- ҚОТИШНИ ТЕЗЛАШТИРУВЧИ;
- ЎЗИ ЗИЧЛАНДИГАН.

КИМЁВИЙ ҚЎШИМЧАЛАР ТОШКЕНТ ШАҲРИ БЎЙЛАБ, «CONSTANT CHEMICALS» КОРХОНАСИНИНГ ШАҲСИЙ ТРАНСПОРТ ВОСИТАСИ ЁРДАМИДА БЕЛГИЛАНГАН МАНЗИЛГАЧА ЕТКАЗИБ БЕРИЛАДИ.

МАМЛАКАТИМИЗНИНГ БОШҚА ҲУДУДИДАГИ МИЖОЗЛАР УЧУН КИМЁВИЙ ҚЎШИМЧАЛАРНИ ЎЗЛАРИ ОЛИБ КЕТИШ ИМКОНИЯТИ МАВЖУД.

КАТАЛОГНИ МАЪЛУМОТГА ЭГА БЎЛИШ УЧУН ҚЎЙИДАГИ РАҚАМГА ЮНТИРОҚ ҚИЛИНГ:

+998 95 412 44 44

МАНЗИЛ:

ТОШКЕНТ ШАҲАР, СЕРГЕЛИ ТУМАНИ, НИЛҒОЛ ҚЎЧАСИ, 777/ Реклама

СУВ ТАЪМИНОТИДАГИ истиқболлар

Кейинги йилларда аҳолини тоза ичимлик сув билан таъминлаш, эскирган тизимларни янгилаш, бу орқали сувдан самарали фойдаланиш мақсадида қатор лойиҳалар амалга оширилмоқда. Жанубий Кореянинг «K-water» сув ресурслари корпорацияси билан бошланган ишлар шулар жумласидандир.

Мазкур компания сув ресурсларини ўзлаштириш ва аҳолини сув билан таъминлаш ишлари билан шуғулланади. Қарийб эллик йилдан бери «K-water» корпорацияси томонидан 30 дан орტიқ давлатда 80 дан орტიқ йирик лойиҳалар муваффақиятли амалга оширилган.

Бугунги кунда «K-water» корпорацияси билан имзоланган меморандум ҳамда Кореянинг Ер, транспорт ва инфратузилма вазирлиги билан келишув асосида Тошкент шаҳрининг яроқсиз сув қувурларини қайта тиклаш бош лойиҳаси ишлаб чиқилган бўлиб, ушбу лойиҳа 2 йил мобайнида Жанубий Корея грантлари асосида амалга оширилади. Бунинг учун 750 минг АҚШ доллари миқдоридagi маблағ сарфланиши кўзда тутилган. Айни кунга қадар лойиҳа асосида ичимлик сув тармоқларини яхшилаш, аҳолига тоза ва сифатли ичимлик сув етказиб бериш бўйича пилот лойиҳа амалга оширилди. Хусусан, Тошкент шаҳрининг Миробод тумани Ц-7 даҳасидаги маҳаллий насос станцияси ҳудуди тўлиқ ўрганиб чиқилиб, сув сарфини ўлчаш мосламалари ҳамда манометрлар ўрнатилди.



Лойиҳа доирасида айланаси 100-150 мм бўлган 3 километр, 200-250 мм бўлган 4 километр, 300 мм бўлган 1 километр эскирган сув қувурлари янгиланади. Бундан ташқари, сув таъминоти бошқаруви тизимидаги икки блок гидравлик моделлаштирилади, сув таъминоти бошқарув блоклари жорий этилади. Шунингдек, 200 та ҳисоблаш ускуналарини ўрнатиш, соҳадаги илгор тажрибаларни ўзлаштириш учун 20 нафар ходимни ўқитиш, экспертлар делегациясини уюштириш ҳам режалаштирилган. Лойиҳа доирасида ичимлик сувининг беҳуда исроф бўлиши кескин қисқартирилиб, сув қувурлари ҳолати яхшиланади, аҳолини узлуқсиз сув билан таъминлаш ҳамда қувурлардаги босим ҳажмини тўғри тақсимлашга эришилади.

– Дарҳақиқат, замонавий технология ҳам вақтни, ҳам нақдчи тежайди, – дейди «Тошкент шаҳар сув таъминоти» МЧЖ директори Мақсуд Аббосхонов. – Маълумотларга қура, юртимизда ёгингарчиликлар ҳажми қисқариб бормоқда. Масалан, ўтган йилга нисбатан бу йилда қарийб 15 фоиз кам ёгингарчилик бўлган. Бу албатта, аҳоли турмуш тарзига, иқтисодиёт ва қишлоқ ҳўжалигига

олди олинади. Айни кунга қадар ушбу технология ёрдамида Тошкент шаҳрида 1 200 дан ортиқ қувурлардаги ерости кўринмас носозликлар аниқланиб, уларнинг қарийб 800 дан зиёди янги усулда таъмирланди. Бунинг натижасида 4 млрд сўм маблағ тежаб қолинди. Корхона илгари сураётган икинчи технология эса янада самарали бўлиб, унда сув қувурларининг устки ер қисмини очишнинг ҳожати бўлмайди. Чунки мазкур технологияда қувер ичига махсус суюқлик юборилади. У қувер деворларига ёпишиб қувер ичидида янги қувер ҳосил қилади. Бу эса, яна эллик йил хизмат қилишни кафолатлайди.

Маълумот учун, бугунги кунга қадар ушбу технологияларни ҳаётга татбиқ этиш мақсадида 1 млн АҚШ долларлиқ инвестиция жалб этилиб, яна тўрт йил давомида 4 млн АҚШ долларлиқ сармоя киритиш режалаштирилган. Ушбу технологиялар натижасида Тошкент шаҳрида қувурларни таъмирлаш харажатлари 15-25 фоизгача камайишига эришилди.

Наргиза МИРЁҚУБОВА,
«O'zbekiston bunyodkori» мухбири.

Марказий Осиёда ягона бўлади

Самарқандда «Кўксарой Автомолл» кўп тармоқли савдо-қурилиш комплексини бунёд этиш ишлари бошлаб юборилди.

Самарқанд туманининг «Гулистон агросервис» агрофирмаси ҳудудида қад ростлаётган мажмуа 70 гектар майдонни эгаллаб, Марказий Осиёдаги энг йирик тижорат марказларидан бирига айланиши кўзда тутилган.

– Республикамизда таниқли конструкторлоиҳачи, «Univer prostile» МЧЖ директори Собир Тошев бошчилигидаги ижодий гуруҳ томонидан тайёрланган лойиҳа ўзига хос меъморий кўриниши ва ноёблиги билан барчани ҳайратга солмоқда, – дейди бош меъмор Алишер Бадалов. – Унда жаҳон стандартларига тўла жавоб берадиган, энг илгор технология ва конструкторлар ҳамда қурилиш материаллари қўлланилади. Уларнинг кўпчилиги арзон, ихчам, муҳими, ўзимизда ишлаб чиқарилаётгани эътиборга сазовор. Бундай рақобатбардosh

ва чидамли ярим тайёр маҳсулотлар билан қурилиш қилиш бинокорларнинг ҳам иш унумини оширади ва вақтини тежайди. Бундан ташқари лойиҳада қатор янгилликлар, ечимлар ўз ифодасини топган бўлиб, улар бинога алоҳида жозиба ва кўрк бағишлайди.

Вилоятда бинокорлик соҳасида шуҳрат қозонишга улгурган «Қаюмов строй сервис» МЧЖ буюртмаси асосида тақдим этилган лойиҳани жамият қурувчи-мутахассисларининг ўзлари барпо этишга киришган. Айни пайтда 70 нафар ишчи-хизматчи дастлабки пойдевор қурилишини бошлашган. Илгари қишлоқ ҳўжалигида фойдаланилмаган ерларни текислаш, паст-баландини тўғрилаш, атрофни ўраш жадал суръатда олиб борилмоқда. Яқин орада бу ерда ишловчилар сони 500 нафарга етказилади. Қурилиш-монтаж юмушларига «Нурили келажак – ишонч сервис» МЧЖ бинокорлари ҳам яқиндан ёрдам бериш истагини билдиришган.

– Асосий савдо биноси тўрт қаватдан иборат бўлиб, унда турли автомашиналар ва эҳтиёт қисмлар

(Давоми. Боши 1-бетда)

Булardan ташқари, тош-шағал материаллар бўйича 5,6 млн метр кубга, обойлар 47 баробардан ортиқ ҳажмга, йиғилган паркет панеллар ва плиталар 19 баробарга, ёғоч қириндилли плиталар ҳамда ёғоч ва бошқа ёғочбop материаллардан тайёрланган плиталар 15 баробарга, газбетон блоклари 7 баробарга, лок-бўёқ материаллари ҳамда энергия ва иссиқликни тежовчи флотат-технология асосида ишлаб чиқарилган архитектура-қурилиш ойнаси 4 баробарга, базальтдан тайёрланадиган композит арматура 3 баробарга ва цемент 2 баробарга оширилиши кўзда тутилган.

Қурилиш соҳасида ишлаб чиқариш корхоналари томонидан аҳолини сифатли матeриллар билан таъминлаш, импорт ҳажмини камайитириб, экспортбop маҳсулотлар ҳажмини кенгайтириш, ишлаб чиқариш қувватларини ишга тушириш орқали янги иш ўринларини яратиб, ички бозорда қурилиш матeриаллари нархи ошиб кетишининг олдини олиш ва уларни арзонлаштириш соҳа ривожидида муҳим омил бўлмоқда.

Ҳозирги кунда Инновацион ривожлантириш вазирлиги, Қурилиш вазирлиги, «Ўзстандарт» агентлиги ҳамда «Ўзсаноатқурилишматериаллари» уюшмаси таркибидagi ташкилотлар ва муассасаларнинг илмий салоҳиятга эга тажрибали мутахассисларидан иборат Қурилиш материаллари саноати илмий техникавий кенгаши фаолияти йўлга қўйилган бўлиб, унинг олдига қатор вазифалар белгилаб берилган. Жумладан, кенгаш бугунги кунда замонавий инновацион ишланмаларни ҳисобга олган ҳолда қурилиш меъёрлари ва қоидаларини такомиллаштиришга доир тақлифлар ишлаб чиқиб, тежамкор ва экологик жиҳатдан хавфсиз қурилиш материалларини амалиётга жорий этиш ва қўлланилишини таъминлашда муҳим ишларни қилмоқда.

Ўтган даврда қурилиш материаллари саноатида 10 та илмий-тадқиқот йўналишлари бўйича 42 та инновацион лойиҳалар илмий-техникавий кенгаш муҳокамасида кўриб чиқилди ва амалиётга татбиқ қилишга тавсия этилди. Масалан, маҳаллий табиий ва икклиматик ресурслар асосида юқори сифатга эга клинкерли цемент ишлаб чиқариш ва олиш лойиҳаси. Ушбу инновацион технологияни жорий этиш орқали бетон ишлаб чиқарилишида юқори самарадор фаол минерал қўшимчалардан фойдаланиш ва цемент сарфини тежаш, мустаҳкамлигини, кимёвий ва муз агрессиясига чидамлилигини ошириш, шу билан бирга, суперпластификаторлар орқали бетон қорихшмаси ҳаракатчанлигини сақлаган ҳолда сувга бўлган эҳтиёжини 20-30 фоизга камайитиришига эришилади.

2017-2021 йилларда Ўзбекистон Республикасини ривожлантиришнинг бешта устувор йўналиши

Иншоотларнинг сейсмик мустаҳкамлиги долзарб мавзу

Кейинги йилларда аҳоли ва ҳудудларни сейсмик хавфдан ҳимоя қилиш бўйича аниқ мақсадга қаратилган чора-тадбирлар, иншоотларнинг сейсмик мустаҳкамлиги ва хавфсизлигини таъминлаш борасида кенг қўлмалли ишлар амалга оширилмоқда. Давлатимиз раҳбарининг бу борадаги қарорида ҳам аниқ вазифалар белгилаб берилди.

Мавзуга бағишланган тадбирда мазкур қарорга мувофиқ, Ўзбекистон Республикаси Фанлар Академияси – сейсмик хавфни турли миқёсда баҳолаш, ҳудудларни сейсмик ҳудудлаштириш, зилзилаларни мударатлар кесимида прогноз қилиш методологиясини ишлаб чиқиш ва амалиётга жорий қилишда қатор ишлар бажарилгани таъкидланди. Жумладан, «Ўзбекистон Республикаси аҳолиси ва ҳудудининг сейсмик хавфсизлигини таъминлаш тўғрисида»ги қонун ишлаб чиқилиб, regulation.gov.uz порталига муҳокамага қўйилган. Шунингдек, бино ва иншоотларнинг техник ҳолатини аниқлаш тўғрисидаги меъёрий қоидаларнинг янги тахирини ишлаб чиқиш бўйича чора-тадбирлар олиб борилмоқда.

Ҳозирда республикамизнинг сейсмик фаол ҳудудида жойлашган мавжуд бино ва иншоотлар, шунингдек, кўп қаватли турар жойларнинг сейсмик заифлигини баҳолаш учун зарур бўлган маълумотларни назарда тутувчи электрон техник паспортларни шакллантириш услубиёти ишлаб чиқилди ва Қурилиш вазирлигига топширилди.

– Мамлакатимиздаги қурилиш жараёнларининг назорати Ўзбекистон Республикаси Қурилиш вазирлиги ҳузуридаги Қурилиш соҳасида назорат инспекцияси томонидан амалга оширилмоқда, – дейди Ўзбекистон Республикаси ФА Механика ва иншоотлар сейсмик мустаҳкамлиги институти катта илмий ходими Анвар Ювмитов. – Қурилаётган биноларнинг сейсмик рақобатбардошлиги жуда муҳим, бу жиҳатлар кўп омилларга боғлиқ. Барпо этилаётган иншоотларнинг сейсмик талабларга мутлақо жавоб бериши учун зилзилабардошлик синов лабораторияларининг ўрни катта. Шу кунларда Турини политехника университетида синов лабораторияси ташкил этиш ишлари олиб борилмоқда.

Анжуманда маълум қилинганидек, Фанлар Академияси етакчи олимлари ҳамда вазирлик ва идоралар билан ҳамкорликда 2030 йилгача бўлган сейсмология, иншоотларининг сейсмик мустаҳкамлиги ва хавфсизлигини таъминлаш соҳасини ривожлантириш концепцияси ҳам ишлаб чиқилмоқда.

Ўз мухбиримиз

ЖАРАЁН 3

ИННОВАЦИОН ЛОЙИҲАЛАР татбиқ этилмоқда



бўйича Ҳаракатлар стратегиясида белгиланган вазифалар ҳам изчил амалга оширилмоқда.

Чунончи, «Ўзсаноатқурилишматериаллари» уюшмасининг «ЎзқурилишматериалЛИТИ» МЧЖ илмий-тадқиқот ва инжиниринг маркази мутахассислари томонидан профессионал таълим тизимини илгор хорижий тажрибалар асосида такомиллаштириш, бошланғич, ўрта ва ўрта махсус профессионал таълим босқичларини жорий қилиш орқали меҳнат бозори учун малакали ва рақобатбардош кадрлар тайёрлаш ҳамда мазкур жараёнга иш берувчиларни кенг жалб қилиш ишлари олиб борилатти. Мазкур жараёнга иш берувчиларни кенг жалб қилиш мақсадида «Қизилқумцемент» АЖ, «Бекободцемент» АЖ, «Оҳангаронцемент» АЖ билан ҳамкорликда қурилиш материаллари саноати тармоқ квалификация рамакиси ишлаб чиқилди. Тизимда мавжуд ишчи касбларнинг 111 та профессионал стандартлари ишлаб чиқилди ҳамда Бандлик ва меҳнат муносабатлари вазирлигидан рўйхатдан ўтказилди.

Хулоса ўрнида айтиадиган бўлсак, инновацион лойиҳаларни қурилиш материаллари саноатига

татбиқ этиш натижасида ишлаб чиқариш турлари кенгайтирилади, ички бозорни импорт ўрнини босувчи ва рақобатбардош қурилиш материаллари ҳамда маҳаллий ишлаб чиқарилган буюмлар билан тўлдирилади. Қурилиш материаллари саноати соҳасида ислохотларни жадал амалга ошириш ва ишлаб чиқарувчилар ўртасида соғлом рақобат муҳитини ривожлантиришга тўсқинлик қилаётган муаммолар бартараф этилади. Янги илмий-техник ишланмаларни қўллаш орқали объектларни лойиҳалаштириш ва қуришдаги нормалашнинг мавжуд кўрсатма берувчи усулини ўзгартиришга ечим беради, ички ва хорижий инвестицияларни қурилиш материаллари саноати соҳасига жалб қилишни жадаллаштиради.

Саидахмад РАЗЗОҚОВ,
«ЎзқурилишматериалЛИТИ» МЧЖ
илмий-тадқиқот ва инжиниринг
маркази директори,
Қурилиш материаллари саноати илмий
техникавий кенгаши илмий котиби.

«Qashqadaryo texnologik transport» AJ

акциядорлари диққатига!

«Qashqadaryo texnologik transport» aksiyadorlik jamiyati 2016-2017-2018-2019 йил якунлари бўйича имтиёзли акцияларга ҳисобланган дивиденд тўловлари тўлашни давом эттирмоқда.

Дивиденд тўловларини амалга ошириш мақсадида акциядорлар ўзларига тегишли пластик карточка ҳисоб рақамларини ёки тўловни ўтказаетган ҳисоб рақамлари ҳақида тўлиқ маълумотлар беришлари керак. Шу билан бирга сиздан шахсингизни тасдиқловчи янги паспорт нусхаси ва солиқ органидан СТИР рақами нусхасини жамиятнинг корпоратив муносабатлар бўлимига юборишингиз сўралади.

2016 йил якуни бўйича ҳисобланган дивиденд пулини олиш учун 2021 йил 1 февралга қадар муро-

жаат қилишингиз сўралади, акс ҳолда «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги қонуннинг 51-моддасига асосан уч йил ичида талаб қилиб олинмаган дивиденд сифатида акциядорлар умумий йиғилишига жамият ихтиёрида қолдириш масаласи қўйилиши тўғрисида огоҳлантирамиз.

Қўшимча маълумотлар олиш учун манзил: Ўзбекистон Республикаси, Қашқадарё вилояти, Қарши шаҳри, Косон тош йўли, 16. Почта индекси: 180100.

Мурожаат учун телефон: 99-750-26-00, 99-545-53-58, **факс:** 75-780-85-42.

E-mail: qashqadaryotextrans@mail.ru, qatt00@mail.ru

Жамият раҳбарияти.

«Regionlararo mulk markazi» МЧЖ Фарғона филиали

бошланғич баҳоси босқичма-босқич ошиб бориши тартибиди ўтказиладиган очиқ аукцион савдоларига таклиф этади!

«Кафолат суғурта компанияси» акциядорлик жамияти Фарғона филиалининг 2020 йил 9 ноябрдаги 11-04/757-сонли алоқа хатига асосан қуйидаги автотранспорт воситалари аукцион савдосига қўйилмоқда:

1. 2002 йилда ишлаб чиқарилган, давлат рақами 40 695 LAA бўлган «Нексия» русумли автотранспорт воситаси. **Бошланғич баҳоси** – 20 210 802 сўм.

2. 2005 йилда ишлаб чиқарилган, давлат рақами 40 542 UAA бўлган «Матиз» русумли автотранспорт воситаси. **Бошланғич баҳоси** – 19 568 859 сўм.

Аукцион савдоси 2020 йил 10 декабрь кунин, соат 11.00 да бошланади. Савдога қўйилган мулклар билан «Кафолат суғурта компанияси» акциядорлик жамияти Фарғона филиалининг вакили иштирокида бевосита транспорт воситаси сакланаётган жойига қиқиб танишиш мумкин. Аукцион савдоларида иштирок этиш учун талабдорлардан аризалар расмий иш кунлари соат, 09.00 дан 17.00 га қадар қабул қилинади (13.00 дан 14.00 гача тушлик вақти).

Аризаларни қабул қилишнинг охириги муддати: 2020 йил 9 декабрь, соат 12.00 гача.

Шунингдек, аукцион савдолари шу кунда бўлмаган тақдирда, тақририй савдолар 2020 йил 25 декабрь ҳамда 2021 йил 11 январь кунлари, соат 11.00 дан бошлаб бўлиб ўтади. Аризаларни қабул қилиш аукцион савдоларидан бир кун олдин, соат 12.00 да тўхтатилади.

Аукцион савдоларида қатнашиш учун талабдорлар савдо ташкилотчиси билан тузиладиган закатал келишувига асосан, мулк бошланғич баҳосининг 10 фоизидан кам бўлмаган миқдорда закатал пули ҳамда энг кам иш ҳақининг бир баробари миқдорда тўлов ҳужжатида ижро ҳужжати рақами ва санасини кўрсатган ҳолда «Regionlararo mulk markazi» МЧЖ Фарғона филиалининг қуйидаги ҳисоб рақамига тўлашлари шарт: 2020 8000 3052 6588 2005 АТИБ «Ипотека-банк» МФО 00544 СТИР 307 638 956.

Аукцион савдоси ўтказиладиган манзил: Фарғона шаҳри, Г. Фармонова кўчаси, 13-уй.
Тел.: 73-244-26-23, 90-407-07-62.

Ҳамза ШУКУРОВ,
«O'zbekiston bunyodkori» мухбири.

